

vit Apostoli locus Hebr. ix. 27. *Statutum est hominibus semel mori . Post hoc autem Judicium .* Neque injuria hisce verbis utimur , quum nulla ibi inter mortem hominis , et occultum Judicis Dei tribunal mora interponatur . Et quamvis nonnulli arbitrentur , ibi Apostolum loqui non de singulari , sed de universali Judicio Dei in fine Mundi ; doctrina tamen de privato Dei Judicio statim a morte hominum ex iisdem verbis multo rectius ac verisimiliter resultat , utpote quæ etiam ex aliis Sacrarum Literarum & Patrum documentisprehenditur firmissima , immo sine temeritate ac læsione Christianæ Fidei negari non potest . Hujusmodi Judicium agnoscit & confirmat S. Thomas non uno in loco : sed præsertim in Summa Tom. III. Qu. 59. Art. v. Præterea S. Aug. Lib. xx. Cap. 1. de Civ. Dei , præter novissimum Judicium alia agnoscit media Dei Judicia , quum Deus judicet etiam de singulorum hominum operibus propriis ; *U homines plerumque aperte , semper occulte , luunt pro suis factis divinitus pœnas , sive post Mortem .* Alios Patres hujus doctrinæ testes infra , adducam . Reliquit autem divinus Magister ineluctabile hujusmodi veritatis exemplum in Divitis Anima , nondum resumo Corpore , apud inferos excruciatâ . Quamobrem etiam si aperta Scripturæ verba desissent , facta non desunt , quibus ipsum dogma persuaadeatur . Nimirum nullum habemus intervallum inter Divitis mortem & supplicium . Istius damnationem , istius pœnam Judicis sententia præcesserit oportet . Rufus Ang. audi Lib. II. Cap. 4. de Anima & ejus origine. *Rectissime U valde salubriter credit , judicari Animas , quam de Corporibus exierint , antequam veniant ad illud Judicium , quo eas oportet jam redditus Corporibus judicari , atque in ipsâ , in qua heic vixerunt , Carne torqueri , sive gloriari .* Hoc ita-ne tandem nesciebas ? Hujus quoque doctrinæ fundamenta inter cætera indicat , addens : *Quis adversus Evangelium tanta obstinatione mentis obsurdit , ut in illo Paupere , qui post mortem ablatus est in Sinum Abrabæ , U in illo Divite , cujus in Inferno cruciatus exponitur , ista non audiat , aut audita non credat ?* Hæc Novatorem Burnetum feriunt , & doctrinæ Catholicæ vetustatem produunt . Quare prolas corrucere videas Burneti ejusdem argumentum , dum scribit : *Nec sacris Literis , nec Rationi naturali consentaneum esse videtur , summas pœnas exigere , aut summa præmia erogare , antequam res in Judicium deducta fuerit , U de cujusque causa constiterit .* Judicium autem nullum memorat Scriptura sacra ante finem Mundi . At nos jam manu tenemus , ante extremum Mundi Judicium inflicta Diviti mortuo pœnas : ergo non unum tantummodo universale Judicium , sed Judicia quoque peculiaria in hominum morte a Deo habenda credamus . Infra quoque vide Caput xxviii.

Lucis incrementum majus accipiet sententia nostra ex Joh. xiv. 1. ubi Christus ad mortem profecturus , Apostolos suos hisce verbis solatur : *Non turbetur cor vestrum . In domo Patris mei mansiones multæ sunt , si quo minus , dixissem vobis : Quia vado parare vobis locum . Et si abiero , U præparavero vobis locum , iterum venio , U accipiam vos ad*